

西康建省記

卷中

西
東
遊
記

卷
一

西康建省記卷中

代理川滇邊務大臣傅嵩林奏請建設西康省摺
奏為統籌邊地大局，擬請建設行省，恭摺具陳，仰祈
聖鑒事。竊查邊地界於川藏之間，乃川省前行，為西藏
後勁，南接雲南，北連青海，地處高原，對於四方，皆有建
瓴之勢，非特與川滇輔車相依而已。因鄙陋在夷，我朝
版圖式廓，未及經營，僅以羈縻之方，官其酋長，作為土
司，俾之世守。以數千里之地，分二三十部落，皆同對建
之規，雖有朝貢之名，而無臣服之實。如咸同年間，瞻對
土司工布朗結併吞五土司地土，夜郎自大，頑梗跳梁，

其地卒為藏人奪去。於是各處土司喇嘛，只知有西藏，不知有朝廷。光緒二十年以來，鄉城則據邑而抗殺將官，乍丫則入藏而圍攻欽使，泰凝以開礦而拒斃武弁，巴塘以墾地而戕害大臣，叛亂疊興，屢煩兵力。光緒三十一年，裏巴兩塘經建昌道趙爾豐戡定，朝廷注重邊疆，為長治久安計，特簡趙爾豐充邊務大臣，鎮撫其地，以軍府之責，管理地方，規制已殊，但蠻荒甫闢，其時又僅裏巴改流，郡縣無多，係屬權宜辦理，然邊地遼闊，或曾有土司，或尚屬野番，蠻族錯居，爭鬭角逐，民不聊生，趙爾豐乃力圖改革。光緒三十四年，奏請驅剿德格逆

匪宣統元年，肅清德格土司即請改土歸流，高日土司亦相繼而起，春科土司故絕無後，曾經一律奏明改流，同裏巴等處，僅擇衝要繁庶地方奏設道府廳州縣十餘缺。宣統二年，收回江卡、貢覺、桑昂、雜瑜等處，奏明派委員管理，三巖野番亦經剿平設治。宣統三年，收服得榮、冷卡石，並改流麻書、孔撒兩土司，察木多、乍丫亦改設理事官，瞻對現已收回。又奉民政部行文，本年二月奏准各省土司改設流官，行令辦理。趙爾豐適因奉旨署理川督，由邊入川，即將靈蔥、白利、倬倭、東科、明正、魚通、咱里、冷邊、沈邊等九土司，概予改流。此時關外未改

流之土司數名，未投誠之野番數處，臣已陸續辦理就緒。總計地面已奏定府廳州縣者十餘缺，已奏設官而未定府廳州縣者十餘處。近日改流及從前應行添設郡縣之處猶多，已成建省規模，而星使非嘗設之官，形同寄處，亟應及時規畫，改設行省，俾便擴充政治，底定邊陲。查邊境乃古康地，其地在西，擬名曰西康省。建設方鎮，以為川滇屏蔽，藏衛根基，雖建省之事，關係重大，非臣所敢輕議。而光緒三十三年郵傳部尚書岑春暄有統籌西北全局之奏，即請改邊地為省。奉旨飭議，以其時番人頑梗，未識兵力能否蕩平，趙爾豐未敢操切。

議覆奉承朝廷盛德，拊循諸番，諭以明詔，彰善殫惡，百蠻嚮風，建省之計，惟此時為然。臣在邊六年，既有所見，不敢緘默，謹將管見所及，暨應行建省各節，繕單臚陳，仰祈採擇。所有統籌邊地大局，擬建行省緣由，是否有當，伏乞皇上聖鑒訓示，謹奏。

謹擬邊務應改行省條陳繕單恭呈

計開

一邊地與西藏毗連，西藏與強鄰逼處，外人狡焉思啟封疆，幾不以藏為中國屬土。殆因藏未建省，名義未定之故。茲邊地即係康地，康藏原有攸分，應將疆界

照舊劃定，以康建省，俾定名義，而占領土，此應建省者一。

一邊地未開辦以前，藏距川遠，藏人時有不軌之謀。光緒二十九年，西藏有洗漢人之議，三十年乍丫率兵入藏，圍攻駐藏大臣，及英兵入藏，漢官亦受制於外人，藏人愈以中國為不足恃，遂萌攜貳之心。三十四年聞駐藏大臣兼邊務大臣趙爾豐督兵入藏，藏人即起而梗阻，且呈稱藏地直抵邛州。宣統元年，川兵進藏，藏人又斷駐藏大臣供給，沿途攔阻入藏之兵，倘非邊地早有布置，派邊兵護送川兵前進，大局何

堪設想。即如本年夏間，波密猖狂，駐藏之兵敗退，猶幸就近有邊兵援應，藏人未致附和。茲將邊地改設行省，編練重兵，建威即可銷萌，守康境，衛四川，援西藏，一舉而三善備，此應建省者二。

一邊地東自打箭鑪起，西至丹達山頂止，計三千餘里，南抵維西中甸，北至甘肅西甯，計四千餘里，應設州縣八九十缺。若無一定行政總機關，措置失宜，又釀後患。川督距遠，不能遙度情形，遇有變故，徒事鋪張，糜費帑款，不可勝計，此應建省者三。

一邊地所設府廳州縣，各管地面，皆地足以養民，民足

以養官所征糧稅可敷各屬員司廉俸辦公之用此
應建省者四。

一建省之後應設長官即將原有之邊務大臣收支局
學務局康安道邊北道更改名目所有廉俸公費照
原有薪公分別定明無須增加事舉而款不費此應
建省者五。

應改名目如左

一邊務大臣改為西康巡撫。

一原設邊務收支局改為度支司。

一原設關外學務局改為提學司。

一原設康安道改為提法司。

一原設邊北道改為民政司。

以上各官廉俸公費，邊務大臣向由川省撥解，其餘係由邊務經費項下開支，建省之後，即由四川解款項下支給。查四川解款，邊務大臣年支公費銀三萬兩，新軍五營，西軍三營，礮隊一隊，衛隊二百名，遇閏之年，由川解銀三十五萬餘兩，又轉運費銀五萬兩，又裏塘、巴塘、乍丫、江卡、察木多等處台兵裁撤，將原數銀兩全行解邊，計銀六萬餘兩，每年共解銀四十九萬餘兩。又川省奏抽油糖捐

年計銀五十餘萬兩。總共計銀百萬兩之譜。建省後，仍請飭四川以壹百萬兩為定額，分春夏秋冬四季，於正月、四月、七月、十月，每期解銀二十五萬兩，以作練兵、行政、驛站、辦學之費。

以上各條，係就康地應建行省而擬，其設官辦事章程，將來另擬，分別奏咨核辦。

查此摺係宣統三年閏六月十六日由邊務大臣行轅驛遞成都，請川督專差送京。已得川督回電，於七月十二日收到，未知何日專差前送。後因文報不通，未奉硃批。

西康山記

天下名山三百，支山三千，小者無算，此九州之山也，而西康之山不與焉。然康境之山亦多矣，終年積雪，人跡不能到者，山雖高而無名，統而名之曰雪山，無地無之。其人力所通之處，山上有道路，番人名之曰拉，無道路者，名之曰熱，猶華人以山有穴者名曰岫，出脊者名曰岡，大而高曰嵩，小而高曰岑，銳而高曰嶠，卑而大曰扈之類也。康為川藏通衢，沿途大山，與四川交界者曰折多山，自此前進則有高日山、博浪工山、三壩山、大朔山、甯靜山、昂地山、王卡山、恩達山、瓦合山，與西藏交界者

曰丹達山。此數山者，盛夏之時，天陰則雪，秋冬及春，有大雪封山，不能行路，清時驛站摺報，亦有阻雪之日，此指大道而言也。小路之山，如甘孜赴德格之濯拉，德格赴昌都之熱垭，巴塘赴鹽井之覺隴，白玉赴德格之恩作拉，登科赴石渠之恩科，亦高而積雪者。此外尚多，不能歷數，惟皆登高一覽，衆山俱小矣。

西康河記

北條之水河為總，南條之水江為大，此夏禹所導之水也。西康之水，則為禹迹所未經，地處高原，山多水少，水勢就下，從無汎濫之患。打箭鑪之外，河口縣有鴉龍江，

發源於青海，與德格土司屬地之雜渠卡，即今之石渠

縣地方，乃數水相合，在石渠縣時尚可駕裳而涉，下流

四五十里，有俄落野番之小水來合，可以乘桴，宣統元年，邊務

大臣趙爾豐令番人造筏，載運牛皮流五百餘里至甘

孜，至此不可涉也，光緒三十四年經瞻對，番人造有木

至河口，宣統二年，修鋼橋下流千餘里，入四川之江，此一江也。

巴塘有金沙江，發源於青海，入石渠縣境，距雅龍江只隔一山至

登科府，不可涉，至德格之崗沱，宣統二年，邊務大臣造

昌都，必渡此江也。又查登科至崗沱有木船過渡，蓋德格赴

江中大石，已經派人炸裂，可行船也。有小水合之，經三

巖過巴塘，巴塘西行，必過此江，有二處用木至得榮，繞

雲南境折入四川叙州府合川江，此二江也。察木多有
瀾滄江，在察木多係兩水相合，流至鹽井，波濤洶湧，水
勢急流，用皮船溜索渡江。下由雲南境入緬甸，此三江
也。西康數千里，水之大者為此三江，其餘小河皆無名，
如道塢河、裏塘河，江卡以西之硯達河，乍丫河，昌都以
西之嘉裕橋河，番人皆稱曰楚，如巴塘小河則曰巴楚，
此類不可勝記。惟瀾滄江之水入緬甸，其二江入於川
江。今人於江亦謂之河，故以河為記。

按西康之水，余以鴉龍、金沙、瀾滄三江為大。或曰嘉
裕橋一水發源於藏，名哈喇烏蘇。

蒙古語稱黑曰哈
拉，稱水曰烏蘇。

至雲南為潞江，入緬甸，一大水也。烏得謂之小。余曰：所謂大者，以不能造木橋之故。哈喇烏蘇在嘉裕橋之間，番人尚能造木橋以濟人行，烏得為大。如鴉龍江之河口，金沙江之在牛古渡，竹巴隴，瀾滄江之在鹽井，能造木橋否？或曰：不能。余曰：既不能，則西康之水仍以鴉龍、金沙、瀾滄為大。哈喇烏蘇至雲南為潞江，大在雲南，不在西康。以西康論，故不謂之為大。或曰：在嘉裕橋不大，流至康地之悶空。名地即大於瀾滄也。君但知大道之嘉裕橋，而未至悶空一覩也。余曰：然則我未能親歷之過也。西康大水實有四江。或又